



Broj: 08-50.1-96/09
Sarajevo, 03.05.2012. godine

Ministarstvo pravde Bosne i Hercegovine, rješavajući zahtjev Udruženja Aktuarsko Društvo u Bosni i Hercegovini, iz Sarajeva, ulica Dolina broj 8, u predmetu upis promjena u Registru udruženja, na osnovu člana 43. stav 2. Zakona o udruženjima i fondacijama Bosne i Hercegovine («Službeni glasnik BiH», br. 32/01, 42/03, 63/08 i 76/11) i člana 4. stav (1) Pravilnika o načinu vođenja registra udruženja i fondacija Bosne i Hercegovine i stranih i međunarodnih udruženja i fondacija i drugih neprofitnih organizacija («Službeni glasnik BiH», broj 44/10 i 14/12), donosi

RJEŠENJE

1. U Registru udruženja Ministarstva pravde Bosne i Hercegovine, kod Udruženja Aktuarsko Društvo u Bosni i Hercegovini, iz Sarajeva, ulica Dolina broj 8, upisanog pod registarskim brojem: RU-483/06, knjiga I Registra, dana 04.08.2006. godine, upisuju se promjene, kako slijedi:
 - Izmjene i dopune Statuta Udruženja, broj: 4/05 od 01.12.2005.godine;
 - Mijenja se član 3. stav 2. Statuta Udruženja, broj: 4/05 od 01.12.2005.godine, tako da se umjesto dosadašnjeg skraćenog naziva Udruženja: „AD BiH“, upisuje novi skraćeni naziv Udruženja:
„AD u BiH“.
 - Mijenja se član 3. stav 4. Statuta Udruženja, broj: 4/05 od 01.12.2005.godine, tako da se umjesto dosadašnje adrese sjedišta Udruženja „Dolina 8, 71000 Sarajevo, Bosna i Hercegovina“, upisuje nova adresa sjedišta:
„Zmaja od Bosne 74, 71000 Sarajevo, Bosna i Hercegovina“.
 - Produžava se mandat licu ovlaštenom za zastupanje Udruženja u pravnom prometu **Pilav Bakiru, Predsjedniku Udruženja i Predsjedniku Upravnog vijeća Udruženja**, iz Sarajeva, ulica Grbavička broj 21.
 - Promjena i imenovanje članova Upravnog vijeća Udruženja.
 - Promjena i imenovanje članova Nadzornog odbora Udruženja.
2. Ostali upisi u Registru udruženja kod Udruženja Aktuarsko Društvo u Bosni i Hercegovini, ostaju neizmjenjeni.
3. Ovo Rješenje će se objaviti u „Službenom glasniku BiH“.

Obrazloženje

Udruženje Aktuarsko Društvo u Bosni i Hercegovini, iz Sarajeva, ulica Dolina broj 8, upisano je u Registar udruženja kod Ministarstva pravde Bosne i Hercegovine, pod registarskim brojem: RU-483/06, knjiga I Registra, dana 04.08.2006. godine.

Udruženje je dana 02.03.2012. godine podnijelo Zahtjev za upis promjena u Registru udruženja ovog Ministarstva.

Udruženje je podneskom od 10.04.2012.godine izvršilo izmjene i dopune zahtjeva, te priložilo slijedeću dokumentaciju: Zapisnik sa 4. Redovne Skupštine Udruženja od 02.02.2012.godine; dva primjerka Odluke o izmjenama i dopunama Statuta Udruženja, broj: 08/12 od 02.02.2012.godine;

Odluku o razrješenju članova organa upravljanja Udruženja, broj: 10/12 od 02.02.2012.godine; Odluku o imenovanju članova organa upravljanja Udruženja, broj: 11/12 od 02.02.2012.godine; te ovjerene fotokopije ličnih karata Predsjednika i članova Upravnog vijeća Udruženja.

Uvidom u priloženu dokumentaciju utvrđeno je da su ispunjeni uslovi predviđeni Zakonom o udruženjima i fondacijama Bosne i Hercegovine i Pravilnikom o načinu vođenja registra udruženja i fondacija Bosne i Hercegovine i stranih i međunarodnih udruženja i fondacija i drugih neprofitnih organizacija za upis promjena u Registru udruženja. Stoga je riješeno kao u dispozitivu.

Na ovo Rješenje naplaćena je administrativna taksa u iznosu od 200,00 KM za upis promjena u Registru udruženja, u skladu sa članom 33. stav (2) tačka b) navedenog Pravilnika.

Pouka o pravnom lijeku:

Protiv ovog rješenja nije dopuštena žalba, ali se može pokrenuti upravni spor tužbom pred Sudom Bosne i Hercegovine. Rok za podnošenje tužbe je 60 dana od dana prijema ovog rješenja.



Dostavljeno:

- Udruženju Aktuarsko Društvo u Bosni i Hercegovini,
Ulica Zmaja od Bosne 74, 71000 SARAJEVO;
- Zbirka isprava;
- JP NIO "Službeni list BiH".